

## **Adnan Bašić**

### Inicijativa upućena Vladi Zeničko-dobojskog kantona:

„Inicijativa se odnosi na to da se ozbiljno započne realizacija projekta izgradnje banje u Tičićima - općina Kakanj ili nekog drugog vida eksploatacije tople vode.

Već 35 godina topla ljekovita voda temperature 62 stepena Celzijeva teče u nepovrat, bez ikakve kontrolirane eksploatacije. Apeliramo na subjekte koji mogu uticati da se i sa aspekta zapošljavanja i domaćinskog gospodarenja prirodnim resursima što hitnije i ozbiljnije uzme u razmatranje izgradnja privrednih, zdravstvenih ili turističkih objekata na spomenutoj lokaciji. Kakanj je u Zeničko-dobojskom kantonu sredinom septembra 2011. godine dobio neslavnu titulu grada koji ima najviše nezaposlenog radnosposobnog stanovništva. Alternativni put nije napravljen i saobraćaj se odvija otežano. Osim industrijom, zrak je zagađen i izgradnjom autoputa. Zato bi bilo potrebno, fer i pošteno premo lokalnoj zajednici da građani osjete i pozitivne efekte izgradnje autoputa, te da bar na taj način dobiju jedan objekat u kojem će se osjećati kao ravnopravni građani, a ne samo kao oni koji za dobrobit ostalih treba da nose razvoj države na svojim plećima.“